

INUIT ATAQATIGIIT

INATSISARTUNI



UKA 2013/61
2. oktober 2013
Juliane Henningsen

**Innuttaasut imigassamik ajornartorsiutillit taassuminngalu qaangiiniarlutik
katsorsartikkumasut nammineq akiliinatik katsorsartittarnissaannik
aqqutissiuussinissamik iliuusissanullu pilersaarummik kingusinnerpaamik
Inatsisartut 2014-imi upernaakkut ataatsimiinnissaannut
saqqummiunneqartussamik Naalakkersuisut peqquneqarnissaannik Inatsisartut
aalajangiiffigisassaattut siunnersuut.**

(Inatsisartunut ilaasortaq Mimi Karlsen, Inuit Ataqatigiit)

Imigassaq. Imigassamik atornerluineq. Imigassamik atueriaaseq. Imigassamik pinngitsuuisinnaajunnaarneq. Imigassartorsimatilluni aatsaat oqaloqateqarsinnaalertarneq. Imigassartorsimalluni toqqisisimannginnermik pilersitsineq. Imigassartorsimalluni meeqlanik tunulliussineq. Meeqlanik sumiginnaaneq.

Inuaqatigiit peqqinnanngitsumik imigassamik atueriaaseqarpugut. Ilarpasuavut imigassamik pinngitsuuisinnaajunnaarlutik napparsimalersarput. Ilarpasuavut suliunnaartariaqartarput, ilami aamma ilaqpugut ilaqtariittut imigassamit tatisimaneqartunik.

Taavami? Aqqutissaqarpa? Isumaqarpugut aqqutissaqartoq. Inuunermut peqqinnarnerusumut, aqqullu taanna orniginartariaqarpoq. Taamaammat Mimi Karlsen isumaqatigaarput – oqarmat: Imigassamik ajornartorsiutillip nassuerutiguniuk, qanoq iliuuseqarfingiarlugulu, taava aqqut takissanngilaq. Inuk iluatigisussaavarput, inuk saaffissaqassaaq.

Taamaammat – Nammingersorlutik Oqartussat, Kommunit, suliffeqarfiillu aningaasalersugaannik aaqqissuussisoqarnissaanik siunnersuuteqarmat, Inuit Ataqatigiit isumaqatigaarput.

Naalakkersuisut Inuuneritta 2-mut innersuussipput, tassanilu iliuusissatut una siunnersuut ilaatigut tikkuarneqareermat, paasuminaappoq sooq una siunnersuut ilalernartinnginneraat. Iliusaareersut qaammarsaanerillu allat tapersernartippagut, taakkulu oqallisigiumaarpagut.

Naalakkersuisut kommunit suleqatigalugit aqqutissiuullissuk, innuttaaqativut imigassamik atuinermik ajornartorsiuteqarunik akeqanngitsumik katsorsartissinnaalerlutik, soorlu inuit ilaannut taanna maanna periarfissaasoq. Kommunimmi periusaat neqeroorutaallu assiginnillat, neqeroorutit assigiaarnerusut aaqqissuussaanerusullu aaqqissuutsigit, inatsisitigut sinaakkutissat ilanngullugit qanoq ittuusariaqarneri misissortigit.

Naalakkersuisut akissuteqarnerminni naaperiutaat isumaqarpugut ataatsimiitaliami eqqartorneqartariaqartoq, naammanngilarmi aatsaat 2015-imi siunissami atornerluinermut katsorsaasarnissamut neqeroorutit pillugit pilersaarummik Naalakkersuisut saqqummiussissappata, taava aatsaat siusinnerpaamik 2016-imi timitalimmik takussaagut. Taanna pitsaanerusumik angusaqarfigisariaqarparput. Taamaammat imm. 61 Mimi Karlsen-ip siunnersuuta Ilaqtariinnermut Ataatsimiitaliamut Innersuupparput. Takorlooparput aallarniutitut aningaasanut inatsimmi immikkut katsorsaasarerit pillugit immikkoortitsisoqarsinnaappat alloriarnerussasoq annertooq.

Taama oqaaseqarluta siunnersuut ataatsimiititaliami susassaqartumi suliarineqassasoq
innersuussutigaarput.